

AGENDRE EPIFANIA

23 Februari 2025

1. FANGOWAI BA FOGAONI

(Tedöni dorosi , möi ndra sohalöwö bakha ba gosali, ba lahalö wangahono dödö banua niha Keriso ba wangondrasi ba ba wasumangeta khö Lowalangi).

Fangowai :

SA : Ya'ami banua niha Keriso, ba wondrugida migu Epifania andre, ma'owai ami fefu ba döi Zo'aya ya'ita Yesu Keriso.
Ya'ahowu....

SATO : Ya'ahowu !

SA : Ya faofao khömi Lowalangi...

SATO : Ya fao Khöu Geheha-Nia

Fogaoni :

SA : Da ta'owuawua'ö dödöda wangondrasi Yehowa, da ta'omusoi'ö dödöda ba wamalua fasumangeta khö Lowalangi. Tasuno Ia, manunö ita moroi ba Mbuku Zinunö **numero 9**

9. BÖI TEBATO WANUNOGU

1

do = es 4/4

MM = 96 - 104

1. Böi tebato wanunogu, Lowalangi So ' aya.
Fa ' auri ba si so khögu, ya oi sumange-Nia.
Ha sambalö fa ' omasi, ba fa 'ebua dödö,
mbuala Lowalangi, ba zamati sanau ' ölö.
Lö faröi sa Zo ' aya, he adudu danöda.
2. No töra moroi khö nina, wendroro ononia,
Wamaeri Yesu So' aya, ya' o tana khö-Nia.
Me omasi Lowalangi, na auri göi ndra' odo.
Andrö wa no Ikaoni, afu u' o' ö Keriso.
Lö faröi sa Zo' aya, he adudu danöda.

2. FANGA'ARO'Ö WA'OWULO (VOTUM)

SA : Da tahonogö dödöda ba wariawösa, ba ba wa hasambua khö Lowalangi, (Muzizio zato):
No owulo ita ba da'e ba döi Lowalangi Ama, ba ba döi nono-Nia Yesu Keriso, ba ba döi Geheha Ni'amoni'ö. Fangorifida ha ba döi Yehowa si no momböi banua si yawa awö danö.....

SATO : YADUHU

SA : He Yehowa, farongogö khögu lala ba wa'auri andrö: no fahöna wa'omuso dödö föna-U, ba ba gambölö-U so wa'ohahau dödö si lö mamalö¹. HALELUYA.....

SA : **Manunö** : BZ. : 452

Haleluya..... Haleluya..... Haleluya.....

SA : Mangandrö ita :

He Yehowa Lowalangi, Ama sahawkö tödö ba sebua fa'omasi. Ma'andrö saohagölö me no Öheta ndra'aga moroi ba wa'abölö zogömigömi, no Ö'öhe ba haga, börö Zo'aya ya'aga Yesu Keriso. Ya Eheha-U Ni'amoni'ö zanuturu lala khöma, ena'ö si tedou ba saro ndra'aga ba wamati, ba si lö faröi ndra'aga ba wango'aurifagö fa'omasi irugi gamozua götö danö andre. Yaduhu..

3. MANUNÖ moroi ba Mbuku Zinunö Numero 321

¹Taroma li bö'önia tola mufaigi ba nga'örö nifaogö si sara, faosatö si-IV

321. HE NO ABÖLÖ ZI FA' UDU KHÖDA

Lala : Hewisa Ita ba Hewisa Dödö (No. 423)

do = c 4/4

MM = 76 - 84

1. He no abölö zi fa' udu khöda, sedöna mangalani ya' ita.
He oya sibai gabula dödöda, si möi fombuwu wa' abölöda
Böi tabulö ' ö ita khö Zo' aya, noro dödö ta' ohe khö-Nia.
Ta' odaligö wamatörö-Nia, botoda fao awö gera' era.
2. Dozi ita samati khö Zo' aya, falukha wolohi fango' aya.
Lö' aetu so wanandraigö gafökha, fa lö tatema luo zi möna.
Na lö tebulö ita khö Zo' aya, Ibè Geheha fangabölöda.
Ena' ö tarugi ba zi so Ama, naha si no Ihaogö So' aya.

4. FOMBASO TAROMA LI LOWALANGI FAMÖRÖGÖ (AF)

: Da tafondrongo daroma Li Lowalangi, tehalö moroi ba zura **Sinunö 37:1-11**

1. **Böi ofönu ba khö zamazökhi si lö sökhi andrö: böi afökhö dödöu ba zolau si lö atulö.**
2. **Lö'ö sa arara, ba tetaba ira, si mane du'u, ba aleu, si mane bulu ndru'u ba danö.**
3. **Dönadöna khö Yehowa ba lau zi sökhi; iagö danö ba fa'ua wa'adölö dödö.**
4. **Ba omuso dödöu ba khö Yehowa, ba ibe'e khöu zomasi dödöu.**
5. **Be'e balazi Yehowa nitörömö andrö, ba dönadöna khönia, ba ya'ia zamaigi lala.**
6. **Ba ifatumbu'ö wa'atulö dödöu andrö si mane fa'amoluo, ba lala andrö khöu, si mane haga na laluo.**
7. **Honogö'ö föna Yehowa ba bazebaze'ö khönia; böi ofönu ba khö zamalua ni'alui dödönia, si lö hadia ia, ba ba niha solau sabila.**
8. **Röi wönu andrö ba böhöli wa'abao dödö; böi maoso dödöu; ha ba wamazökhi si lö sökhi aekhu da'ö.**
9. **Nihori sa dania zanao horö, ba sanötöna khö Yehowa andrö zokhö tanö dania.**
10. **Hatö ma'ifu tö, ba lö'ö sa'ae sebua horö andrö, ba na öfaigi nahania, ba lö ya'ia sa'ae.**
11. **Ba sebolo tödö andrö zokhö tanö dania, ba owuawua dödöra ba wa'afahöna wangorifi.**

Simanö daroma Li Lowalangi, da tatema'ö faoma sinunö: BZ.Numero 20:1

BZ. No: 20. MISUNOSUNO ZO'AYA

1. Misunosuno Zo'aya, mi bè zumange-Nia.
Mi'ebua 'ö döi-Nia, sotöi banua-Nia.
Me no Ikaoni göi ami, afu mitemawa'au ri, khö Yesu, Sangorifi.

5. FANGANDRÖ FANGEFA HORÖ

SA

: Ya'ami ira talifusö'

Na tawa'ö lö horöda, ba talimo ita, ba siduhu lö'ö ba dödöda. Na ta'ombakha'ö Horöda, ba lö faröi Ia, ba no satulö Ia,fa'i'efa'ö khöda horö andrö, ihaogö ita, awö wa'iheta fefu zilö atulö. Andrö da möi ita föna Lowalangi si fao fangidengide'ö ba wangombakha horöda, (muzizio ita fefu)

Mangandrö ita :

Masuno ba ma'angaröfi li Ndra'ugö Yehowa, Ama khöma si so ba zorugo, ba khö Yesu Keriso sangorifi. No sebua fa'omasi Ndra'ugö khöma götögötö

3

wa'ara. Ma'ondrasi Ndra'ugö ba nahia ni'amoni'ö ba wangalulu ba ba wangandrö saohagölö, ba howuhowu si no falukha ndra'aga. Mafaduhu'ö wa tenga si nangea ndra'aga tanö föna-Mö, me no fahöna horö si no mafalua, he ba wehedema, era'era dödöma, awö gamuatama si lö faudu ba daroma Li-Mö. Andrö möiga khö-U ba wangandrö fa'ahakhö dödö-U, ena'ö Ö'efa'ö khöma horöma andrö, si no mafalua, irege sohahau tödö ndra'aga wanohugö fekolima si faudu ba zomasi Ndra'ugö. Yaduhu.

SATO : Manunö : BZ. Numero 224 : 1

224. NA'UBINI'Ö HORÖGU KHÖ YESU

1. Na'ibini'ö horögu khö Yesu, ba lö usöndra za hono dödögu U'ombakha'ö ngawalö horögu, mo lala dödö.

SA : **Turia Wangefa horö** : "Utayaigö golalöwamö, si mane lawuo, awö horöu, si mane sau. Tema fuli'ö khö-Gu, me no U'orifi ndra'ugö. LAKHÖMI KHÖ LOWALANGI SI YAWA....."

SATO : Manunö:

450. BA FA'ATULÖ BA GULIDANÖ

do = d 4/4

MM = 74 - 84

1. Ba fa'a tulö ba gulidanö ba niha ni'omasi 'ö andrö (mudadao zato)

6. FOMBASO TAROMA LI LOWALANGI FÖNA HUHÜO (AB)

: Da tafondrongo daroma Li Lowalangi, tehalö moroi ba zura **Roma 12:17-21**

17. Bõi misulöni zi lö sökhi awönia si lö sökhi, ba niha; si sökhi mifatoutou, ba niha fefu.

18. Na dali ami, ba ya'atulö ami ba niha fefu.

19. Bõi milau mbalömi, ya'ami ni'omasi'ögu! mifonaha wönu andrö; noa sa so ba zura: "Khögu wolau balö, ya'o zanulöni, iwa'ö So'aya."

20. Ba na olofo zi fa'udu khöu, ba be'e gönia, ba na owökhi dödönia, ba fabadugö khönia nidanö. Na ölau da'ö sa, ba ö'owuloi mbo galitö ba högönia.

21. Bõi ilawa ndra'ugö si lö sökhi, be'e folawa zi lö sökhi zi sökhi.

Ya'ahowu zamondrongo taroma li Lowalangi ba same'e ba dödö.

SA+SATO : Yaduhu

8. FASÖMBATA

SA : Iada'e tebe'e khöda ginötö ba wolohe fasömbata khö Lowalangi. Ta'osamuzaigö wame'e, he fasömbata si föföna, ba simanö göi zi mendrua awö zi medölu, sifao fangowuloi fasömbata sanandrösa ba Panitia PHBG. Ba si föföna ua da tafondrongo Li Lowalangi me imane:

- ❖ Same'e sumange fangandrö saohagölö, da'ö zamolakhömi Ya'odo, ba zi lö sinegu ba mbuabuania U'oroma'ö wangorifi andrö khö Lowalangi. (Sinunö 50:23)

Tafa'ema wasömbata khö Lowalangi, manunö ita moroi ba Mbuku Zinunö **Numero 263**

263. DA TASUNO LOWALANGI SAMATÖRÖ

Lala : Haleluya Khö Yehowa (No. 1)

do = f 4/4

MM = 96 - 104

4

1. Da tasuno Lowalangi, samatörö ya ' ita.
No Ifahowu'ö ita, sandrohu fa ' aurida.
Ta ' andrö saohagölö, wa ' omasi Zo ' aya.
2. Tuho goraisa Zo' aya, ba daroma li-Nia.
Da ta' omasi' ö Ia, he göi awöda niha.
Da ta' oigö dödöda, ta' o' ö, tafalua.
3. No göi dumaduma khöda, wa' omasi Zo' aya.
Lö Ibe' e ba' aba' a, fefu ngawalö zala.
Fa' omasi Zo' aya, duhu tebai nису' a.
4. Da fao ita ba wangandrö, wangelulu khö-Nia.
Ta' andrö Geheha-Nia, sangabölö ya' ita.
Ya sanau ölö ita, wamati khö Zo' aya.
5. Fa' omasi wangoroma, na hasara dödöda.
Fa' omasida nawöda, böi tebulö he ara.
Ya böi olifu ita, wa' omasi Zo' aya.

SA :

Na no awai la'owuloi/lafa'ema wasömbata, ba owulo tanö furi zangowuloi Fasömbata, lafendrongö wolohe föna fasömbata, ba la'o'ö gofanöwa note zinunö (irama lagu).Fatua lö möi ira wolohe föna, ba imane Sangai Agendre:)

“Da tafasao wasömbatada andre föna Lowalangi,.....Muzizio ita fefu.....
Manunö ita moroi ba Mbuku Zinunö numero 261

261. YA'E ZUMANGE ²

do = d 4/4

MM = 62 – 68

Ira'alawe □

1. Ya ' e zu-ma-nge fa-sömbata, ma ' o-he sumange Yehowa.

Iramatua

Reff: Ma'andrö khö-U fa-ho-wu'ö zu-mange ni 'o- hema khö-Mö

2. Ya'e zumange fasömbata mabe'e soroi ba dödöma.

Reff: Ma'andrö khö-U

3. Ya'e zumange fasömbata buala si'otarai Nama.

Reff: Ma'andrö khö-U

4. Ya'e zumange fasömbata, boto, noso, ba fa'aurima

Reff: Ma'andrö khö-U

5. Ya'e zumange fasömbata, lö irugi zomasi dödö-U.

Reff: Ma'andrö khö-U

6. Ya'e zumange fasömbata, ma'aohasi gölö Zo'aya.

Reff: Ma'andrö khö-U

FANGANDRÖ : (*Fangandrö nidönia'ö fasamösa zangowuloi fasömbata, aefa da'ö ba lafa'ema ba Danga zangai huhuo, itema'ö sangai huhuo awena itou'ö ba dete meza. Ba na so Wasömbata si sambua ni'ofulu, owasa wanaru ma owasavvamasi, bta ba itema'ö sangai huhuo si fao taroma Li Lowalangi si faudu ba wasömbata ni'owuloi andrö*)

9. KOOR/VOKAL GROUP

- SA : Da tafaogö dödöda ba wanuno Lowalangi faoma sinunö ni'olohesi:
Koor ba Vokal Group
- a. Koor Jemaat
 - b. Kegiatan Kom.Bapak
 - c. Kegiatan Koremda
 - d. Kegiatan Sektor 3
 - e.

10. MANUNÖ

- SA : Da tafa'anö dödöda wamondrongo taroma Li Lowalangi, manunö ita moroi
Ba Mbuku Zinunö **numero 163**

163. UHONOGÖ SIBAI DÖDÖGU

do = a, 4/4

MM = 76 – 82

1. Uhonogö sibai dödögu ba wamondrondrongo li Mö Yesu Mangalulu ndra'odo föna-U ba gametahö-Mö ia da 'a Öbayoini Eheha-U Yesu dozigö mbanua samati khö-U. Ubokai dödögu khö-U Yesu nahia daroma li-U. Taroma li-Mö lö fa'atebulö menewi ma 'ökhö ba si 'ogötö'ö lö sa mamalö. Taroma li-Mö si möi fangabölö utema 'ö soroi ba dödö, tolo ba wolo 'ö.

11. HUHUUO SEBUA

- SH** : Ya'irorogö dödömi, awö gera'erami fa'ohahau dödö andrö, khö Lowalangi, Sabölö moroi ba gera'era niha fefu, ba khö Keriso Yesu. Mangandrö ita.....Yaduhu.
- a. Fombaso taroma Li Lowalangi *Matai'o / Matius 5:38-48 (Tuho :Mi'omasi'ö Zifatiu Tödö Khömi / Mengasihi Musuh)*
 - b. Fanuriaigö
 - c. Nitanö ba dödö. *Matai'o / Matius 5:44 (Ba Ya'odo ba Uwa'ö khömi: mi'omasi'ö zifatiu tödö khömi ba mi'angandrö salahi zolohi ya'ami. / Tetapi Aku berkata kepadamu: kasihilah musuhmu dan berdoalah bagi mereka yang menganiaya kamu.)*
 - d. Fangandrö Fanga'aro'ö huhuo

SATO : Manunö : BZ. Numero 154 : 1

154. NO MAFONDRONDRONGO LIU³

1. No mafondrondrongo li-U, Lowalangi So 'aya. Tanö ba dödöma ia, fa böi olifuga. Fahowu 'ö ia khöma, ena 'ö ohahau dödöma fefu. Heta ba dödö zi lö sökhi, ma'o 'ö niwa 'ö-U.

12. TUHO WAMATI

SA : Me notarongo daroma Li Lowalangi, ba da tafaogö Lida wamaduhu'ö famatida Ya'ita niha Keriso föna Lowalangi, muzizio ita fefu.....endronga lida

- SA+SATO** :
- ❖ Ya'o mamati khö Lowalangi Ama si lö ambö fa'abölö, somböi banua si yawa awö danö.
 - ❖ Ya'o mamati Khö Yesu Keriso, So'aya ya'ita, Ono Lowalangi si ha samösa, nitema nina-Nia Maria khö Geheha Ni'amoni'ö, Ono nono alawe Ia, no manaögö huku Ia, barö mbawa Fondrio Filato, teforöfa Ia, mate,ba lako'o. No möi Ia ba mbanua niha tou, no maoso Ia moroi ba ngai zimate me no irugi tölu ngaluo. No manahae Ia, möi ba zorugo, dumadao ba gambölö Lowalangi Ama si lö ambö fa'abölö. I'otarai da'ö mangawuli Ia dania ba wanguhuku niha sauri, awö zi no mate.
 - ❖ Ya'o mamati khö Geheha Ni'amoni'ö, ba ufati ha sambua mbanua ni'amoni'ö, fefu niha Keriso, fa'awösa niha ni'amoni'ö, ba fangefa horö, ba femaoso mboto zimate, ba fa'auri si lö aetu. Yaduhu. (Mudadao zato)

13. ANGOMBAKHATA BA MBANUA NIHA KERISO

SA : Da tafondrondrongo gangombakhata:.....

MANUNÖ

SA : Manunö ita moroi ba Mbuku Zinunö **numero: 490 ayati 1-2**

490. YA' ODO ZANUTUYU YA' AMI¹

do = d 3/4

MM = 96 - 104

1. " Ya ' odo zanutuyu ya ' ami. Ya ' o göi zamataro ya ' ami. Ena ' ö lö tebulö mbuami."

2. " Andrö Ubè goröisa-Gu khömi. Faoma mi' omasi' ö nawömi.
Simane fa' omasi-Gu ami."

14. FANGANDRÖ SALAHI + FAMATENGE + HOWUHOWU

SH : Muzizio ita fefu, mangandö ita :.....(tetohugö) : Ba döi Zo'aya ya'aga Yesu Keriso, Si no mamahaö ya'aga ba wangandrö mamane :

SH + SATO : He Ama khöma siso ba zorugo, ya te'amoni'ö döi-U. Ya tobali banua-U fefu niha, Ya itörö zomasi ndra'ugö, hulö ba zorugo, ya si manö göi ba gulidanö. Öma sirugi ma'ökhö be'e khöma ma'ökhö andre. Ba efa'ö khöma horöma, si mane fangefa'öma sala ba zi so sala khöma. Böi ohe ndra'aga ba wanandraigö, efa'öga ba zi lö sökhi. Me ya'ugö zamatorö banua-U, ba sokhö fa'abölö, awö lakhömi, irugi zi lö aetu. Yaduhu

SH : **FAMATENGE + HOWUHOWU :**
Mi'angawuli si fao fa'ohahau dödö, ya tobali ami sura Keriso, samaduhu'ö Ya'Ia ba Lala wa'aurimi sero ma'ökhö, ba mitema (tatema) howuhowu Lowalangi :
❖ Ya mufahowu'ö ami/ita Lowalangi, Ya murorogö ami/ita
❖ Ya mufohaga mbawa-Nia Khömi/khöda, Ya mu'ebua'ö dödö-Nia khömi/Khöda
❖ Ya mufalemba hörö-Nia khömi/khöda, Ya mube'e wa ohahau dödö khömi/khöda fefu. Yaduhu

SATO : Manunö BZ.Numero **490 ayati 3**

490. YA' ODO ZANUTUYU YA' AMI 1

do = d 3/4

MM = 96 - 104

3. " Ya' odo lö manö faröi khömi, andrö ya böi ata' u dödömi.
Ya' odo zangalani udumi."

SH : YA'AHOWU

SATO : YA'AHOWU